

# **Ka kaiphot halor ka jingleit jngoh ia ka jaka sha Mawphanlur**

## **La pynbeit da ka Khasi Department**

**Tarik: 13.12.2018**

Da U

Phyrnaishen Khongwet

(6 semester Student)

Ka jingleit jngoh ia ka jaka kum ka kynhun ban pule bad wad jingtip ban iohi markhmat ia ka jaka ha Mawphanlur kaba don ha ki thain West Khasi Hills District ba la pynbit pynbiang da ka Khasi Department Shillong College, ka la long kaba iaaid beit iaaid ryntih ryngkat lang ka jingsynran jong ki Nonghikai.

Ki Nonghikai kiba iaaleit lang ki don saw ngut.

1. Sir H. Marweñ
2. Miss (Dr) A. Nongbri
3. Sir. S. Kharrymba
4. Sir P.R Shabong

Kumba ha ka por 8 baje tam mynstep da ki Lai tylli ki Bus ngi la iamih na kolej bad iaaid lyngba ka surok kaba shim por kumba 71 kilometer tad haduh ban ngin da iapoi suk ha Mawphanlur kumba ha ka por 11 baje. Ka jingleit jngoh ka long kaba tang shisngi.

Ynda la hiar na ka Bus ha ka shnong Mawphanlur la ioh sngew ki wan beh ki lyer pyngngad ba pynsngew tynnad ia ngi iwei pa iwei. Kane ka la iarap ban niad noh ia ka syep bad jingsngew shit lhop. Baroh ki khynnah ki la ioh ban pynkhih met shane shatai lyngba ki jingialeh kmen leh sngewbha. Namar ka jingkhiring jong ka jingitynnad ki lum ki them ka la pynlong ia ki khynnah ban iakrih kylleng kylleng khlem da neh ban shong shi jaka. Nangta tang hadien katto katne por la ialum khruai shi jaka ban iaphriang la ki ja song namar ba la pyrhut ka kpoh.

Ka jaka ha Mawphanlur ka long shisha kaba pyngngad khamtam ha ka por ba shit ka sngi namar ka don ha kliar jong u Lum bad kaba pynglyngngoh ka long ba don ki pung um halor jong une u Lum. Kane ka dei ka jingkyrkhu ba phylla jong u Blei.

Ha ka jingpynkut kum ki khynnah pule la iohi ia shibun ki jingmyntoi. Katkum na ka jingshem la iohi ba bun ki jaka ki la sdang syllen lut namar ka jingpom pathar ki briew ia ki dieng ki siej. Ka daw ba ha khmat eh lehse ka dei namar ka jingduk jingkyrduh kumta ban pyndap ia ka jingthngan ka kpoh kim banse ban pom dieng. La kyrmen ba nangne sha khmat lyngba ka jingwan ka Tourism ki briew kin sa sngewthuh ia ka jingkordor ka mariang bad kin nang ban tyngkai ia ka mei risawkun.